

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 3306 del 28/11/2023**

**Traduzione in ladino**

# **Lurèr te la sajón da d'invern tel Trentin: l é stat orì la candidatures**

**La Provincia Autonoma de Trent met dant enche chest an l'azion per chiamèr personal "L turism trentin l te chier" per la sajón da d'invern 2023/2024. L zil l é chel de didèr la persones enteressèdes a lurèr te chest ciamp e i operadores turistics che chier personal a se scontrèr.**

L'Agenzia del Lurier de la Provincia autonoma de Trent – de gra a na cordanza con ASAT, Confesercenti, Confcommercio, Enti bilaterale del turismo, Cigl, Cisl e Uil – la envia via na regoeta de candidatures per troèr fora persones enteressèdes a lurèr te la sajón da d'invern 2023-2024 che la é per scomenzèr, e les didèr a chesta vida a se troèr coi operadores turistics che é do a chierir personal.

Più avisa, i lurieranc podarà se portèr dant per i lurieres che é più adaté a sia esperienzes e a sia capacitèdes e ruèr ite te la Lista turismo/Lingia turism, e i operadores – col didament di Zentres per l Lurier e/o de la Sociazions de categoria – i podarà se oujer a chesta Lingia e domanèr personal calificà.

La scomenzadiva la é doventèda stabola ti egn de gra al Protocol de cordanza sotscrit jà del 2020 e renovà ti obietives del 2021. L zil de chest protocol l é chel de smaorèr e renforzèr la ocupazion tel turism trentin con na perferida scialdì più califichèda e profescionèla, ge sporjan na esperienza de benvegnù da no poder desmentièr al ghest che à cerdù nosc teritorie desche lech per sia vacanzes da d'invern.

La sorts de profescionalitèdes chierides per chesta sajón les va da la cojina al rezeviment, da la sala bar e cambres al wellness.

## **Co fèr a se portèr dant**

L lurierant enteressà pel se portèr dant col scriver ite l formulèr aposta, aldò de la indicazions a la leta sul sit de l'Agenzia del Lurier, opuramenter l pel contatèr l Zenter per l lurier del teritorie de referiment per aer didament.

L inom de la persona ge vegnarà segnalà a la Sociazions de categoria del turism e ai operadores turistics che chier personal e chest tant dajarà l met de vegnir contaté diretamente da chi che sporc lurier te chest ciamp o dai Zentres per l lurier per na scontrèda.

## **Co fèr a domanèr personal**

I operadores turistics pel domanèr i inomes di lurieranc a la leta tel setor tras sie Zenter per l Lurier de referiment e/o tras la Sociazions de categoria. De altra informazions su la vides per domanèr personal les é a la leta su la piata dedichèda del sit de l'Agenzia del Lurier.

Per na colaborazion percacenta co la Sociazions de categoria, l'Agenzia del Lurier la podarà meter a jir de etres servijes de scouting e azions de comunicazion spezifiches aldò del besegn de personal de la firmes.

## **Per de altra informazions**

Vèrda la piata dedichèda sul sit de l'Agenzia del Lurier:

<https://www.agenzialavoro.tn.it/TESTI-AVVISI/IL-TURISMO-ASSUME>

**Traduzion di Servijes Linguistics e Culturèi del Comun general de Fascia**

(cdt)